

**PETRI VICTORII**  
**LIBER DE LAUDIBUS**  
**IOANNÆ**  
**AUSTRIACÆ, NATÆ**  
**REGINÆ...**

---


Pietro Vettori



# PETRI VICTORII

## LIBER

De laudibus Ioannæ Austriacæ,  
natæ reginæ Vngariæ, et  
Boemiæ.



CVM LICENTIA ET PRIVILEGIO.



FLORENTIAE  
*In Officina Iuntarum Bernardi F.*  
M D L X V I.

PETRI VICTORII  
LIBER

De Indulgentiis Canonis Augustini  
Interprete Venerabili  
Hieronymo

Jo. de S. S. S.

CVIII LIBRARIUS ET VENERABILIS



FLORENTIAE

In Officina Johannis Baptistae

MDCCLVI

43

FRANCISCO MEDICI,  
FLORENTIN. ET

*Senens. Principi,*



Petrus Victorius Sal:



*U*M virtutem semper amauerim Princeps optime: quotiens que species aliqua ipsius oculis meis obiecta est, quantum tenues mea vires facere potuerunt, ipsam coluerim, visa saepe in templis uxore tua, optima & nobilissima femina, his sanctissimis diebus, quibusque nostri sacerdotes refricant memoriam acerbissimae necis Christi, qui salutem nobis suo interitu dedit: animaduersaque diligenter modestia ipsius, & animo toto ad caelum, opificemque eius conuerso, mirum me desiderium repente inuasit, laudandi alijs illam, qui hac aspicere non possunt, ac do-

4  
tes animi illius & singularem probitatem  
commemorandi. et si autem me parem  
non esse intelligebam tanto oneri ferendo, ta-  
men resistere non potui huic meae cupiditati.  
quare statim calamo sumpto ad hoc opus  
aggressus sum: & quae notaueram in vita  
ipsius, à primo eius ad nos aduentu, fide-  
liter exposui: et paruo hoc meo libello inclusi.

Accipies igitur hoc leue munusculum, ab  
optimo certe animo, & tibi deditissimo pro-  
fectum: & aliquando à me maiora opera  
& tuo nomine digniora expectabis: quam-  
uis, qui diligenter attendet, fortasse non o-  
mnino tenue opusculum hoc: tibi vero sine  
ulla dubitatione conuenientissimum, existi-  
mabit. Vale: felixque sis.

Florentiae xiiii. K. Maias. 1566.



DE LAVDIBVS  
IOANNÆ AVSTRIACÆ,  
natæ reginæ Vngariæ, &  
Boemiæ,

LIBER.



*D* *MIRATA* est maxime antiquitas illa prudens, & merito id quidem ac iure optimo, *Archedicam*, *Hippiæ*, regis *Athenarum*, filiam, seminam primariam, quæ cum patre & virum: nec non fratres etiam & liberos summo honore præditos ac reges denique haberet, in omnibus rebus humaniter se semper ac moderate gessit: nec unquam in vita sua ac moribus specimen aliquod superbiæ atq; arrogantia dedit: quodque tanta copia & ubertate rarissimorum bonorum, immutatum leniter etiam ac contaminatum foret.

Existimatum est hoc ab optimis ingenijs, multumque iudicio ac sapientia valentibus, novum valde & inusitatum: solet enim plerumque huiusmodi fortunarum ac gloriæ amplificatio depravare animos hominum & labem magnam moribus eorum adferre: quare non cessarunt eximij poete tantam naturæ pro-

## DE LAVDIBVS

bitatem, cum rara admodum & singulari fortuna  
 conjunctam, predicare, & summis verisque laudi-  
 bus in caelum ferre: nec poeta tantum hanc rem in-  
 genio suo celebrarunt, verum etiam grauissimi au-  
 ctiores, quorumque magnum nomen est, in veteri  
 memoria explicanda, ipsam monumentis litterarum  
 prodiderunt. ut Thucydides qui reliquos omnes eius  
 generis scriptores prudentia & auctoritate longe  
 superauit. Quod igitur prisca illa aetas in vna mu-  
 liere nacta est & mirifice laudauit, nos etiam benefi-  
 cio dei opt. max. & summo consilio, ac studio ducis no-  
 stri COSMII Medicis eximium ac praestans bo-  
 num habemus: atque auctum id etiam & amplifica-  
 tum, si tanta vis bonitatis ac fortune augeri & am-  
 plicari vlla ratione potest, habemus. & mirum in  
 modum nobis ob possessionem illius placemus. Hae au-  
 tem est IOANNA Austriaca, regina nata Un-  
 gariae atque Boemiae, FERDINANDI Imp.  
 filia, & MAXIMILIANI imp. soror,  
 qui non multo antea summam illam potestatem legi-  
 bus nactus, & summo consensu omnium Germano-  
 rum feliciter & magna cum approbatione laetitiaque  
 cunctorum mortalium imp. creatus imperium regit:  
 ac quae a persona illa requiri & expectari possunt,  
 administrat ac gerit. Nec tamen hi duo tantum sum-  
 mum hunc gradum honoris in eius familia bonis ar-  
 tibus

tibus consecuti sunt, sed multo plures è maioribus ipsius, ut notum omnibus atque exploratum est, eandem dignitatem adepti sunt, atque VIII. denique liberis suffragijs Caesares salutati. ad quem numerum ob mediocres etiam artes laudatorum virorum, nedum ob tantam vim maximarum virtutum, vix vlla honesta etiam, familia omni tempore pervenit. in quibus etiam aetate nostra CAROLUS V. pater huius nobilissimae feminae fuit, qui cunctis eius nominis virtute ac rebus gestis multum praestitit. Quis igitur non fateatur verum esse quod dixi, hanc nostram nobilitate parentum & fortuna benignitate tantopere laudatam illam Gracam vicisse, ac longo intervallo superasse? bona enim quae secum tulit nunc tantum narrare libet, & ubertatem splendoris gloriae quae nascitur à natalibus & clara stirpe gentis ipsius commemorare. Nam quae hic inveni eiusdem generis, magna sane decora, & quae merito possunt omnibus admirationem mouere, alio loco attingam, eodem animo ac consilio, quo hac ipsa nunc, quae ornant cognatos huius ipsius, paucis attingi ac notare: magis enim me mouent animi bona & cumulus quidam insignium virtutum, quae in hac praecleara muliere conspiciuntur. haec vero tot tantaque sunt, ut vix in vno alicuius animo coaceruari potuisse videantur. unde factum est ut nihil nostra ciuitas unquam admira-



pompam hanc omnem ludorum fortunatissimarumque nuptiarum celebrarent. Non defuit, qui eleganti & erudito carmine gaudia sanctissimi thalami commemoraret, ac quæ mirifica bona inde breui exitura forent, ut vates & diuino numine afflatus, diuineret. Præsto fuerunt etiam magni opifices, & singuli in suis artibus clari, qui picturis formisque lulentissimis ciuitatem ornarent & quæ referre & ante lumina prætereuntium ponere oporteret, exprimere, ac pene viua spirantiaque simulacra illa sua redderent. Inuenti etiam sunt, qui omni genere spectaculorum multitudinem oblectarent. quorum partim ingenio & eruditione: partim pecunia, & sumptibus nobilissimi homines publicæ lætitiæ seruierunt. Ego vero in huius mulieris splendore animi demonstrando, & naturæ dotibus intimis euoluendis, quæ postea emanarunt, & cotidie magis quasi lumina quædam, clucent, studium & operam meam omnem collocabo. quod si aliqua in parte efficere potuero, putabo id non ab ingenij mei viribus profectum, quæ exigua sane sunt, ut iam dixi, & ut omnes etiam sentiunt, sed ab amore, quo deus profectus hanc optimam feminam, ipsius ornanda & iusto atque ipsi debito honore afficienda studiosus. qui mihi mentem hanc dederit, ut ipsius reconditas virtutes, id est in animo sitas, & meliore nostri par-

te constitutas, aperirem, atque omnibus notas facerem. nam aliter illa, quæ iam foras prodierunt: & honesta non pauca facta pepererunt, recondita & abdita vocari nullo modo possunt. Cum igitur ipsam commendare velim, ac veris laudibus ornare, quid commemorem vetustatem eius generis, & res gestas maiorum ipsius? quamuis sine ulla dubitatione magnas, & à virtute etiam magna ex parte perfectas: neque enim hæc propria illius bona sunt, sed communia ipsi cum alijs omnibus eius familia ac maxime illustris, claraque in primis domus. quorum sane bonorum vestigia quædam reperiuntur in alijs quoque domibus & splendidissimis familijs, & si non tanta: neque ita expressa. quid opes & diuturnam perennemque potestatem ipsius gentis, quamuis satis amplas & perpetuo tenore florentes. & ut ad eam propius accedam, quid referam corporis bonam, firmam valetudinem, vires, pulchritudinem. Illa illa verà bona sunt, & quæ sola (ut sapientes non nulli olim censuerunt) videantur hoc graui honestoque nomine vocanda, quæ animum componunt, atque inde omnem maculam, semenque viciarum euellunt. Cuiusmodi in primis est pietas erga deum immortalē: quæ quanta in hac optima muliere sit, & quam venitus in tenero ipsius animo infederit, admirari potius licet, quam prædicare. ut sane ciuitas omnis no-

stra admirata est: cotidieque magis admiratur ac stupet: quis enim non, ut rem nouam atque omnibus seculis inauditam, admiretur ac colat, cum videat feminam opulentissimam atque omnibus fortunæ bonis abundantissimam: eandemque in flore ætatis constitutam, posthabitis omnibus spectaculis ac ludis, vel potius neglectis, tam assidue in sacris adibus versari, & tam demisso animo, fortunarumque suarum atque amplitudinis oblito, illic manere: reique diuinæ cum sit, tota mente atque animo incumbere? ex qua re hæc augustissima, & sanctissima femina maiorem voluptatem capit, quam ex sacris virginibus salutandis, & omnibus commodis adiuuandis? Hæc cum cotidie spectentur, ante oculosque omnium fiant, ita in se conuerterunt animos nostrorum hominum, ut de nulla alia re tam creber sermo apud nos sit: meritoque id ac necessario fiat, quod paulo ante à me dictum est. ut valde scilicet cuncta ciuitas admiretur singularem virtutem, vel diuinam potius, huius integerrimæ ac purissimæ femine. qui autem secum cogitare voluerit ex quibus parentibus ipsa orta sit: & ex qua domo prodierit, multo minus hoc admirabitur: vel potius cuncta recte & ordine fieri iudicabit: cui enim ignotum est, quæ fuerit religio FERDINANDI patris: qui cum alijs etiam maximis virtutibus floruerit: omnibusque animi partibus

## IOANNAE AVSTRIACAE

te traxisse: ingenū atque ei fuisse à natura tantam  
 probitatem existimandum est, cum vera effigies tui  
 sit: nec formam tantum faciemque, sed indolem et  
 tiam tuam & ingenium referat: & præterea quod  
 ob immaturam mortem illa à te habere non potuit,  
 à maioribus suis sororibus, à te sanctissime insti-  
 tutis, obtinuit: atque ita redundavit in ipsam tua opti-  
 ma & gravissima educatio. Non fuisset igitur il-  
 la quidem melior: nec in omni genere muliebris vir-  
 tutis perfectior, te altrice, cum omnes numeros in se  
 bonitatis habeat, sed tamen, ne te tuas, & tibi de-  
 bita laude privemus, aliquo modo filia disciplinam  
 tuam oluisset, sed eo unde digressus sum, reuertar.  
 Notum etiam esse arbitror extitisse quondam in  
 hac familia, quæ semper viris illustribus & ho-  
 nestis omnibus factis claris floruit, hominem, qui  
 sanctitate vitæ ita commendatus fuerit, & in cul-  
 tu dei opt. max. ita enituerit, ut viam sibi adi-  
 tumque ad calum aperuerit, & in diuorum nume-  
 rum relatus sit. Cum enim alij plures inde fluxe-  
 rint, qui merito & ipsi alia commendatione idem no-  
 men consecuti sint, & beneficio veteraque titulo im-  
 perij, diui vocati fuerint: hic tamen præter ceteros, ex-  
 istimatus est, ob mirificam animi probitatem, cultum  
 que vitæ severissimum: nec non quia plura in vitâ ef-  
 fecit, quæ sine ope diuina effici posse non videbantur.

—  
 supponit

gratus



gratus acceptusque deo opt. max. in eorum nume-  
rum relatus est; qui sancti, inferioris ætatis lingua,  
vocantur, ac propitij esse mortalibus pie vereque  
creduntur: precesque eorum ac vota ad verum deum,  
auctoremque nostræ salutis comportare. Nequis  
autem me fingere aliquid ac comminisci putet, cupi-  
ditate incensum ornandi hanc familiam, quæ nullum  
decus aduentitium externumque requirit, cum suis pro-  
prijsque referta sit, nomen etiam ipsius ponam, qui  
nouo hoc decore florentissimam familiam, instructam-  
que omnibus virtutibus illustrauit: is enim fuit Leo-  
poldus Austriae dux, ab Innocentio VIII. pont.  
max. custodito vetere instituto ac more, (qui mos tunc  
ob antiquam innocentiam integritatemque eius ætatis  
sepius frequentebatur) atque omni pompa cerimo-  
niarum, præclaro eo nomine donatus: eo honore  
affectus est, quo nullum maiorem, qui mortales nati  
sunt, consequi, post mortem etiam, possunt. Sed vi-  
uit adhuc in hac religionis plena domo, regina M. A.  
GDALENA, moderatissima mulier, vna FER-  
DINADI filiarum, huiusque nostræ præstantis-  
simæ adolescentis soror, quam sperare non sine cau-  
sa licet eosdem diuinos honores aliquando consecutu-  
ram: cuncta certe Germania huius animi ac iudicii  
est: ferturque per ora omnium populorum, admiran-  
tium vehementer singularem probitatem ipsius: iam  
iamque

iamque venerantium, sermo de ipsa, ut de sanctissima femina, & quae caelesti potius eternoque domicilio, quam his terrenis mortalibusque sedibus digna sit. ipsa certe iam pridem animum mentemque suam hinc abduxit, ad caelumque ac diuinas res contemplandas conuertit. cuius suae voluntatis studique certiora olim signa dedisset, nisi imperium patris, amorque erga minores sorores, quae praesidio eius, cum matre orbatae forent, egebant: ac pietas denique, ne totam se pietati religionique traderet: penitusque se mundo abdicaret, prohibuisset. Perspicuum igitur est his tot ac tam certis testimonijs, illam talem esse debere: insitamque esse à natura, vel potius innatam in moribus ipsius, non assumptam & aliunde ascitam hanc eximiam religionem. quare perpetuam ipsam fore, ac cotidie magis vires suas amplificaturam, si quid ipsi addi potest, sperare debemus. Habet autem ciuitas, quod maxime optauit: impetravitque id bonum, quod semper à deo summis precibus flagitauit: cum enim haec tellus à priscis vsque temporibus mirifice dedita religioni fuerit, & quem admodum fortitudine bellicaque disciplina commendata, olim fuit, ita etiam hac, principe reliquarum omnium, virtute celebrata sit: intelligo autem tempora illa, quibus cultus deorum, superstitio potius quam religio appellari potuit. (qua tamen propria ipsorum culpa non fuit,

fuit, sed commune vitium atque inscitia illorum seculorum, quibus omnia, quæ huc pertinerent, caliginis & tenebrarum plena erant; nec non illa quoque, quibus patefactis iam oculis, homines cæperunt lucem aspiciere: spretisque atque explosis veteribus illis ritibus, toto animo veram religionem amplexari ac maxime pium dei cultum amare. nam quin posterius hoc quoque, non minus ac prius illud verum sit, dubitari non potest. cum tot vestigia in ipsa extant Christianæ religionis, antiquitus in ea impressæ: ac multitudo id etiam declaret, optimorum ac sanctissimorum virorum, qui in ea postea viguere. Cum igitur hæc terra, ut eo redeam unde discesseram, abreptus cupiditate confirmanda rei, quæ confirmatione minime egebat, hac in primis laude floruerit, quomodo potest non diligere, & in oculis ferre hanc augustam & vere diuinam seminam, in cuius animo institutis que omnibus solida perspicitur & expressa, non adumbrata vera religio. Obstupefcit illa igitur ac merito id quidem, tantam probitatem, tantam mansuetudinem, tantam & tam inauditam in ea aetate severitatem, conditam tamen illam ac temperatam cum singulari humanitate, et incredibili morum suavitate, in primisque, ut dixi, qua admodum delectatur, & ad quam natura, moreque maiorum propensa est, obstupefcit tantam erga deum opt. max. pietatem.



tem. Et hæc causa fuit, cur multi nobilissimi honestissimi que homines, quique etiam diuities atque opibus abundant, contra consuetudinem antiquam vrbis, quæ semper tristis admodum in hac re ac valde seuera fuit, desiderio magno flagrauerint (ut omnibus notum atque exploratum est) commendandi illi filias, quas vnice diligerent, & valde caras haberent, ut earum opera ministerioque videretur in commodis vitæ procurandis, dignitateque sua tuenda: videbant enim se illas in castissimam domum plenissimamque integritatis mutere, & ab omni non solum culpa vitioque vacuam, sed opinione etiam, tenuique suspicionem alicuius leuissimæ maculæ, & quasi in disciplinam ipsi tradere, vnde postea exirent ornata optimis moribus: imbutæque studiis honestissimis, atque hoc sibi magnificum & præclarum esse iam antea experti fuerant: eadem enim laude floruerat, quæ socrus ipsius, si diuius vixisset, fuisset, optima & sapientissima mulier, ELEONORA. neque enim tam mouit ipsos nunc, quemadmodum sane mouere debuit, splendor fortunatissimæ domus, claritasque maiorum ipsius, cum tali mulieri seruire aliquo modo sit ceteris imperare, speciemque in se multam ac dignitatem habeat, quam (ut antea fecerat) firma opinio sanctitatis, & incorruptæ, quoque nulle illecebræ viciorum penetrare vlllo modo possint, di-



seiplina. Cum autem negari non possit pristinam it-  
 lam morum seueritatem: & in mulieribus & in ado-  
 lescentibus, languidiorem factam esse, et multum sua-  
 rum virium remisisse (libet enim verum fateri: nec sal-  
 si aliquid, affineque vanitati ac mendacio in hac ora-  
 tione mea locum habebit. quod tamen proprium no-  
 strum incommodum non est, sed commune totius Ita-  
 liae vitium, quae iam ad nimiam facilitatem, suauita-  
 temque humanitatis non ferendam, declinauit) si quod  
 remedium huic malo adhiberi potest, ne longius ser-  
 pat: in eumque locum veniat, ut nulla ratione  
 frenari amplius coercerique valeat, hinc ipsum expe-  
 ctari nascique debet, praecipue in ipsius genere, mulie-  
 brique sexu emendando & corrigendo. Quae enim fe-  
 mina tam mollis & tenera erit: totaque ornatui cor-  
 poris, & lenitatibus dedita, ne dicam libidinibus at-  
 que amoribus, quam non pudeat illius sui inanis stu-  
 dij, seque ipsam stulticiae damnet? cum videat hanc,  
 summo loco natam, omnibusque fortuna bonis exple-  
 tam, mulierem, instruendo & ornando animo dedi-  
 tam esse, non corpori expoliendo vacare: libentiusque  
 multo templum diuorum frequentare, atque ibi totos  
 dies conserere, quam ludos visere, & in theatris, spe-  
 ctaculis intentam, manere: cui enim notum & explo-  
 ratum non est, principes viros & qui imperium in a-  
 liquam gentem habent, exemplo magis & innocentia,  
 quam

quam legibus & interdictis, populos emendare, et vniuersam ciuitatem à vicijs reuocare? Quod igitur summum beneficium aliquando hac nostra patria habuit ab optimis moribus, & singulari doctrina prae-dicti viris, cum nacta est aliquos, qui utraque re valeant: nec minus vita & moribus, quam eloquentia freti, in sacra illa suggesta ascendunt, ut admonita ab illis & assiduus contionibus castigata, vitam moresque in meliorem partem mutaret, & omnes delicias suas ad certum tempus excuteret, donec scilicet memoria ipsorum haereret vestigium aliquod optimorum praeceptorum, idem nunc ab optima femina, et exemplo quodam continenciae, veterisque sanctitatis habebit: funguntur enim hoc munere apud nos, sanctissimo & grauissimo omnium munerum, non tantum nostri homines, sed externi etiam, vndique, ut prosint moribus, euocati. qui illis artibus, quas significavi, ornati, & mira cupiditate incensi instituendi ciuitatem, & beatam illam vndique efficiendi, nulli labori parcunt, ut pulcherrimum hoc opus efficiant: et consilium suum optimum ad exitum perducant. illi vero, ut dixi, aliquando non nihil profuere, & aliqua in parte ciuitati agrotæ medicinam fecere. Sed, quia cotidiana non est curatio hac: certo enim tantum tempore anni vsurpatur: in verbisque praeterea tota & oratione fundata est, diuturna salus, quæ hinc

nascitur, esse non potest: sed facile exinguitur; &  
 è manibus cito elabatur, cum quidquid studio & la-  
 bore honestorum virorum lucri factum est, id ma-  
 gna ex parte, vitio & temeritate incondita mul-  
 tudinis & ad flagitia pronæ, amittatur. Ut spe-  
 ro autem & toto animo opto (in qua mea honestissi-  
 ma voluntate scio me plures socios habere. cum o-  
 mnes ciues, qui habent in se aliquid non modo pruden-  
 tiæ, sed etiam sanitatis, & quos dolor aliquis tangit,  
 communis licentiæ & sumptuum magnitudinis, idem  
 hoc ardentem cupere debeant: & supra cuncta alia  
 commoda optare) ut spero igitur, quod hi minoribus  
 viribus præditi: raroque & infrequenter hoc medica-  
 mento, remedioq; pestiferi morbi viuentes, efficere non  
 potuerunt, efficiet hæc præclara et fortunata mulier,  
 maximis suis diuinissimisq; bonis adiuta, et omnibus  
 diei horis oculis omnium obuoluta, ut alteram saltem  
 partem ciuitatis erudiat, & exemplo sui modestia &  
 ceteris virtutibus instruat. nam si hoc contigerit, &  
 quod ipsa toto pectore exoptat: quoque suos omnes in-  
 genij nervos intendit, exuium habuerit, minore nego-  
 tio virile genus, in quo plus roboris ac iudicij est, e-  
 mendabitur. Oportere autem cito obstruere viam  
 graui morbo, & exiles adhuc infirmasque fibras  
 ipsius elidere, perspicuum est: ne diuturnitate  
 validior fiat, & omnem postea medicinam respuat.

qua

qua peste deus opt. max. ciuitatem nostram liberet,  
ut adhuc summa sua benignitate & amore egregio  
erga nos, liberauit. nec tamen merito reprehendi &  
accusari potest, qui longe incommodum aliquod ad-  
ueniens videt, & ne irrumpat & omnia labefactet,  
exemplo corruptorum populorum, timet. Non pos-  
se autem beatam vndiq. esse ciuitatem, qua illa parte  
laborat, & in qua mulieres delicate molliterque vi-  
uunt: cognouimus etiam auctoritate doctissimorum  
virorum, qui suis monumentis litterarum prodide-  
runt, atque id non uno tantum loco: quo magis appa-  
ret ipsis eam rem mirifice displicuisse, ciuitatem Spar-  
tiatarum dimidia ex parte vita beata caruisse, in qua  
muliebre genus incontinenter luxurioseque viueret:  
nec ullis seueris legibus insuauis que coercitum foret.  
Et certe mirari licet consilium Lyncurgi: qui cum a-  
lijs in rebus seueritatem amauerit, vel asperitatem  
potius, & duritiam victus secutus sit, tanto opere mu-  
lieribus indulserit, atque adeo huic generi lubrico &  
ad voluptates procliu, habenas remiserit. Sed hoc  
non huius temporis est. quare ad nostram inte-  
gerremam feminam redeamus, & diuinis quibus-  
dam bonis exculcam & expolitam, qua bona, quan-  
tum in ipsa situm est, in alias etiam spargere ac disse-  
minare conatur. & huius pulcherrimi operis ef-  
ficiendi studio & desiderio magno inflammata est:  
illa



illa enim cum in plenissima dignitatis domo educata sit, disciplinamque à teneris annis hauserit grauissimam & moderatissimam, inde percipit veras ac puras voluptates: negligit autem & nullo loco habet, quas cetera mulieres sectantur, atque magni aestimant. Non opus est me hoc accurate studioseque comprobare: huius enim animi ipsius testis est vniuersa ciuitas: cotidieque quam illa contemnat cultum corporis inanem mulieris & magnis signis declarat: quae namque pecunia illi tribuitur, grandis & ampla, ve purpuram & gemmas emat, & reliquo splendori nitorque externo seruiat, eam omnem in sacris virginibus subleuandis, & mendicis hominibus alendis consumit. Affirmare etiam possum vestimenta ipsam sumptuosa ac splendida, & qualia loco illi, quem tenet, dignitatiue conueniunt, oblata ipsi, ac pane obtrusa, ipsam plerumque seponere, atque domi condita & collocata habere: satisque se lautam & nitidam putare, si animum expoliat, ac vero se decore fulgoreque exornet. Nam cognitum etiam et animaduersum est, ipsam cum omni sua pompa & grege familiarium priuatas aliquando domos ingressam, ve mulierculas aut agrotas, aut senectute confectas: easdem tamen vitae integritate, & sanctitate morum celebratas, & ipsas visat & bonis suis, pecuniaque expleat. Verum igitur est praeceptum illud, & di-

gnum

gnum sapientissimo eo viro, & omnium sama lingua-  
que celebratissimo, qui ipsum edidit: is autem fuit  
Pythagoras Samius, vitæ hominum optimus cultor  
& magister: dicebat enim Optimam viuendi ratio-  
nem, & quæ merito probari posset, esse eligendam,  
quæ si forte primo trista & aspera visa foret, con-  
suetudinem eam suauem & iucundam reddituram  
asseruebat. quod vsu venire in hac nostra plane  
intelligimus ac videmus. Sed cum iam satis de in-  
dole ipsius optima & sanctissimis institutis locutus fue-  
rim (nam si quæ restant, quemadmodum profecto  
restant: neque enim potuit tam breui tempore omnes  
suas virtutes aperire: & factis aliquo ipsas illustra-  
re, alio tempore, cum plana illa omnibus facta erunt:  
nec scrupulus ullus in animo alicuius de ipsis restabit,  
à me exponentur, & litteris mandabuntur) uideor  
nunc debere ad te conuersa oratione mea, COSME  
dux sapientissime, publico nomine te laudare, et con-  
siliū tuum in calum ferre, qui hoc fieri volueris, &  
in hanc curam toto animo incubueris: non enim tuam  
demum tantum, omnibus honoribus ornatam, ornare  
studuisti splendore huius florentissimæ familiae, et præ-  
sidijs ipsi plurimum comparare, opibus validissimæ  
gentis, sed patria etiam ciuibusque tuis, decoris mul-  
tum ac firmitatis acquirere. cum illa principem ha-  
beat, ducemque imperij sui ac fortunarum omnium

eum, qui cum ipse per se nobilissimus sit, & summa,  
quaq; dignitate ornatissimus, adiunxerit etiam Au-  
striacæ domus splendorem ac gloriam suis laudibus:  
atque ita cumulum magnum, quod fieri non posse vi-  
deatur, addiderit domestico aceruo veteris dignita-  
tis, suorumque splendidissimorum honestissimorum-  
que factorum. hæc autem est vera ratio patriam  
exornandi. his artibus æternus honos paritur suis ci-  
uibus. hoc facto sibi principes viri animos eorum, in  
quos imperium habent, deuinciunt. Eodem autem  
tempore non tibi tantum consilio hoc tuo maximum  
gaudium ac voluptatem perpetuam peperisti, sed no-  
bis etiam infinitam letitiam atque hilaritatem attuli-  
sti: letamur enim magnopere nouo hoc nostro splen-  
dore ac bono, indeque voluptatem magnam ac solidam  
merito capimus. nec minus letamur, quia te letum,  
& undique hilarem videmus: quis enim umquam se  
tam letum, ob aliquod summum & inexpectatum bo-  
num à se subito partum, præbuit, quam tu in his se-  
licissimis nuptijs te ipsum fecisti. quod eo magis ani-  
maduersum est, quia semper reliqua omni vita gra-  
uissimus seuerissimusque fuisti. ac personæ tuæ, al-  
tissimoque isti gradui honoris, quo præditus es, serui-  
uisti. Quis umquam vidit parem aliquem tantope-  
re ex se natam filiam diligere, quam tu ab omnibus  
intelligeris, nurum hanc tuam, optimam ac purissi-  
mam



nam adolescentem: & si quis vero ac proprio nomine ipsam appellare velit, delicias orbis terrarum, amare, & si licet etiam ita loqui, fouere ac colere. nec mirum hoc cuiquam videri debet: cuncti enim mortales honestis suis factis letantur, nec satiari quæcumque cogitatione, & animaduersione suorum pulcherrimorum operum. Tibi vero FRANCISCÆ, princeps optime ac vir fortunatissime huius integerrima mulieris, gratulor. cuius hoc proprium bonum est: (tempus enim iam esse videtur, ut relicta gravissima persona patris tui, qui tibi dux et auctor, ut ceterorum, ita etiam huius summi ac præclari commodi fuit, ad te sensus animi mei, orationemque dirigam) gratulor igitur tuæ felicitati, ac vere & ex animo gratulor. quod ipsi potissimum eximium hoc bonum contigit: datumque tibi est voluntate dei, ut cum hac nobilissima femina, & omnibus animi & fortune dotibus expletissima, ætatem degas. quo bono, si vere cogitare volumus, & non opinionibus vulgi ducimur, nullum maius, nec magis solidum bonum est. Habebas iam pridem beneficio parentis tui, atque inaudita pene liberalitate, quæ à mortali homine in vita optari & impetrari possunt. Tradiderat ille tibi habenas omnium suarum ciuitatum, fortunatissimarum & nobilissimarum, regendas. Omne imperium suum, virtute ipsius & periculis partum,



à te gubernari & administrari voluerat. Suas denique omnes opes & dignitatem, in tua manu & potestate collocarat. Restabat aliud nihil, nisi ut domi haberes, sociam thalami & sanctissimi matrimonij, feminam lectissimam, & omnibus venustatibus refertissimam. qua, particeps honestissimi facti, liberis operam dares: & cum qua omnes tuas curas & gaudia communicares. obtinuisti ipsum, eiusdem consilio & prudentia singulari, & tale quidem nactus es, ut ego libello hoc, & paruo monimento ingenij mei, ostendere conatus sum, ut augeri ipsum amplificarique nullo modo possit. Gaude igitur perpetuo ingenti hoc & praestanti dei dono. & fruiere diu, cum ceteris tuis morum & natura bonis, tum in primis hoc, quod maximum omnium, quae cadere in hominem possunt, & perfectissimum est. Quod si breui, ut optamus, ac toto animo cupimus, fructus aliquis extabit huius honestissimi coniugij, dederisq; nobis liberos, natos ex his duabus luculentissimis & florentissimis stirpibus, & tibi ipsi firmum aeternumque praesidium parabis, & parenti tuo, optimo ac fortissimo duci, gaudium mirum in modum augebis, & ciuitati, quae hoc cupide expectat, ceterisque omnibus Etruriae populis, dignitatem ac decus apportabis. Cum autem non sine causa videri alicui possit hic labor meus absolutus, & oratio iam ad exitum suum perducta, quomodo

tamen

tamen facere possum. *MAXIMILIANE*  
imperator clarissime, & summa quaque virtute  
instructissime, quin te, quamvis absentem, & magno  
locorum intervallo à nobis diunctum, appellem: tibi-  
que totius nostrae gentis nomine gratias agam, qui tam  
tum & tam præclarum munus nobis miseris, & socie-  
tate tui gloriosissimi sanguinis, principes nostros or-  
naveris: à te enim hoc mirificum nostrum bonum ma-  
navit: tibi que acceptum referre illud, fateri profecto  
debemus. Abundat sane domus tua, & maxime  
illustris familia, eximijs alijs & luculentis bonis. nec  
tamen hoc parvi ducendum est, quod fortuna in pa-  
trem tuum teque ipsum mira benignitate, facultatem  
nactus es, auxilio plurimarum sororum, concilian-  
di tibi, ac firmo stabili que vinculo devinciendi, ut à  
lias non nullas honestissimas totius orbis familias, ita  
tres cuncta Italiae splendidissimas ac perillustres do-  
mos. in quibus hæc nostrorum principum est, multis  
modis ac certissima quaque ratione insignis. Ornasti  
igitur omnem hanc terram lumine splendoreque pro-  
prio tuæ domus, & quasi stellas quasdam, valde  
claras fulgentesque, in ea fixisti, atque ita maximo  
& numquam interituro beneficio uniuersam Italiam  
affecisti. quare valde tibi obligati sumus, ut pro meis  
omnibus ciuibus loquar, & quod in animis eorum con-

alia quapiam ratione partem ullam tanti muneris  
 compensare nequeamus, hoc quod in nobis positum  
 est facimus, ac grato quidem animo libentique faci-  
 mus, ut cuncta tibi commoda optemus: ac deum opte-  
 max. rogemus, ut tibi in omnibus tuis consilijs factis-  
 que ventos secundos prabeat, & optima tua menti  
 prosperos exitus largiatur. Cumq; bellum instet pe-  
 riculosum, ac maxime formidabile, quod ab imma-  
 nissima gente, auidissimaque nostri sanguinis maiesta-  
 ti tua, fortissimisque nationibus infertur, in quo bello  
 virtutis tuae explicandae facultatem magnam habitu-  
 rus es, multis precibus à deo petimus, de tua & to-  
 tius pijs populi salute solliciti, ut felix in eo sis: inde-  
 que tibi honestam ac gloriosam, & nobis omnibus val-  
 de utilem ac salutarem victoriam consequaris.

**F I N I S.**



Coll. Jem. Sav. Jesu. Codel. n. s. Bibl. Munch.

CAROLI SIGONII  
DE LEGE CVRIATA  
MAGISTRATVVM,  
ET IMPERATORVM,  
AC IVRE EORVM,  
LIBER.





8  
COLLEGIUM

DE LEGE CIVILIA

IN AGRICULTURA

ET IMPERATORII

AC IVRE ROMANI

LIBER



ROMA PRINCEPS

VENETIA: EX OFFICINA LUDOVICI M. D. LXX


45  
CAROLVS SIGONIVS

ILLVSTRI IVVENI IOANNI

RICCIO POLITIANO

EQVITI PORTVGALLIAE

S. P. D.



x omnibus quaestionibus,  
qua his temporibus do-  
ctorum hominum inge-  
nijs excitata in aliqua po-  
litiorum litterarum tra-  
ctatione uersantur, haud  
scio, an ulla alia aut  
genere ipso nobilior, aut  
usu fructuosior sit, quam qua iam diu inter me,  
& Nicolaum Gruchium agitur. quippe qua  
sit, ut te optime nosse puto, de re non solum in  
antiquitatis, sed etiam in philosophiae studio ma-  
xima. Nam uerbo quidem de antiquo usu le-  
gis curiata contendimus, at re uera de iure sena-  
tus, populiq; R. de iure magistratuum, atque  
imperatorum, de obscurissimis probatissimo-  
rum scriptorum legis disceptamus. Nec tuitur

corum, qui audiant, fastidio retractamus, sed  
nouas, atq; huic seculo inauditas controuersias  
edimus. unde non Romanarum solum rerum,  
sed ciuilis etiam disciplina studio dediti utilita-  
tis, atq; adeo etiam uoluptatis capere non mini-  
mum possint. Huius autem concertationis ini-  
tium inductum est à me, qui cum breuiter quid  
hac de tota ratione sentirem, non refellendi ho-  
minis gratia, sed indaganda ueritatis causa an-  
nos abhinc decem exposuissem, eruditum homi-  
nem, atque acutum studio responsionis usq;  
adeo incendi, ut ipse quasi legitimo aliquo hu-  
ius rei iudicio constituto, ac reo comperendi-  
nato, una atque altera actione totam causam  
sibi sumpserit perorandam. Quarum actio-  
num quando ego uni paucis ante annis respon-  
di, putavi mihi faciendum, ut nunc quoq; al-  
teri responderem. Quamobrem te hortor ado-  
lescentem praesertim ut opibus, & fortuna, sic  
ingenio, studioq; florentem, ut partem aliquam  
temporis de honestissimis tuis studijs demas,  
atq; ad huius questionis cognitionem traducas.  
nam eodem tempore cum uetustissima, eademq;  
pul-

58  
pulcherrima populi R. iura cognosces, tum  
difficillimos illustrium auctorum locos, eosq;  
nostris adhuc parum hominibus notos intelli-  
ges. Quia notitia neque liberalius, atque hone-  
stius, neque etati, fortuna uè tuæ quidquam  
esse cōuenientius potest. Atque ut hoc ipse acrio-  
re tibi studio faciendum existimares, cepi hoc  
tibi opus dicandi consilium. Quod ut facerem  
primum præcipuo quodam meo erga te studio,  
deinde excellenti Iacobi Falconij iuuenis erudi-  
tissimi prædicatione impulsus sum. Nam & ego  
te, cum Bononiæ ad me audiendum accederes,  
ac non dubia præstantis tuæ erga me uolunta-  
tis testimonia dares, ita iam tum amare insti-  
tui, ut omnia officia me propterea tibi debere  
putem, & Falconius ipse, qua est humanitate  
præditus, ea mihi de admirandis tuis ad om-  
nem dignitatem, laudemq; progressibus rettulit,  
ut te hoc potissimum honoris genere, qui non  
nisi egregijs adhibetur hominibus, decorandum  
existimem, scilicet ut nomen tuum domesticis



ne propagem, ac bonis quasi auspicijs præcla-  
ram augescentis in te uirtutis indolem apud  
homines non obscuro hoc monumento commen-  
dem. Vale. Bononia idib. Iunij.

M. D. LXIX.



## LIBRI CAPITA.

De lege curiata magistratuum Gruchii opinio. Cap. i.

De lege curiata magistratuum Sigonii opinio. Cap. ii.

De lege curiata Imperatorum. Cap. iii.

Quid sit magistratus. Cap. iiii.

Quid sit imperium. Cap. v.

An imperium in magistratu fuerit insitum. Cap. vi.

De imperio eorum qui in magistratu, aut ex magistratu  
bellum gesserunt, aut in prouincias profecti sunt.

Cap. vii.

De imperio eorum, qui ex priuatis in prouincias missi  
sunt. Cap. viii.

De imperio eorum, qui ex priuatis ad bella missi sunt.


Cap. ix.

An proconsules, & proprætores, qui ex priuatis ad bella  
missi sunt, ut cum imperio, sic cum magistratu fuerint.

Cap. x.

LIBRI CAPITULA

De legibus magistratuum Gracii opinio. Cap. 1.  
De legibus magistratuum Gracii opinio. Cap. 1.  
De legibus magistratuum. Cap. 1.  
Quid sit magistratus. Cap. 1.  
Quid sit imperator. Cap. 1.  
An imperator in magistratu fuerit iustus. Cap. 1.  
De imperio eorum qui in magistratu, aut ex magistratu  
bellum gerunt, aut in provincias profecti sunt.  
Cap. 1.  
De imperio eorum, qui ex provincia in provincias missi  
sunt. Cap. 1.  
De imperio eorum, qui ex provincia in provincias missi  
sunt. Cap. 1.  
De imperio eorum, qui ex provincia in provincias missi  
sunt. Cap. 1.  
De imperio eorum, qui ex provincia in provincias missi  
sunt. Cap. 1.  
De imperio eorum, qui ex provincia in provincias missi  
sunt. Cap. 1.



1581

1. The first step is to identify the problem.
 2. The second step is to define the problem.
 3. The third step is to analyze the problem.
 4. The fourth step is to develop a solution.
 5. The fifth step is to implement the solution.
 6. The sixth step is to evaluate the solution.
 7. The seventh step is to monitor the solution.
 8. The eighth step is to maintain the solution.
 9. The ninth step is to improve the solution.
 10. The tenth step is to document the solution.